



Broj: 03/1-50-14-7-29-6 /16

Sarajevo, 6. 10. 2016.

PREDMET: Informacija o sastanku predsjedavajućeg Podžića i komandanta EUFOR-a u BiH general – majora Friedricha Schrottera

Predsjedavajući Zajedničke komisije za odbranu i sigurnost BiH Sifet Podžić održao je 22.9.2016. u kampu Butmir sastanak s komandantom EUFOR-a u BiH general – majorom Friedrichom Schrotterom.

Tokom susreta razmijenjena su mišljenja o aktivnostima Zajedničke komisije za odbranu i sigurnost BiH te aktivnostima Komande EUFOR-a.

Posebno je razgovarano o radnoj posjeti koju su realizirali članovi Zajedničke komisije jedinicama i komandama Oružanih snaga BiH 20. i 21.9.2016., kada je predsjedavajući Podžić informirao komandanta EUFOR-a o njegovim utiscima te mogućnostima stvaranja boljih uslova za život i rad pripadnika OSBiH, kao i o potrebi izgradnje kapaciteta koji će pripadnike OSBiH učiniti još boljim i kredibilnijim u izvršavanju brojnih zadataka koji su pred njima.

Pomoć pripadnika OSBiH civilnom stanovništvu, proces uništavanja viškova zastarjele municije, potreba izgradnje kapaciteta za transparentno trošenje budžetskih sredstava za potrebe sektora odbrane, daljnja izgradnja kapaciteta za učešće pripadnika OSBiH u mirovnim misijama u sastavu Evropske unije kao i priprema zajedničke vježbe pripadnika OSBiH s EUFOR-om bile su samo neke od tema o kojima se razgovaralo tokom ovog susreta.

Predsjedavajući Zajedničke komisije

Sifet Podžić

Dostavljeno:

- naslovu
- a/a